

სსიპ - ივანე ჯავახიშვილის სახელობის თბილისის სახელმწიფო უნივერსიტეტის რექტორის №: 327/01-01, 18/12/2023 ბრძანებით გამოცხადებული კონკურსის და 2024 წლის 22 იანვრის №: 1/2024 თსუ-ის აკადემიური საბჭოს დადგენილების პირველი პუნქტით დამტკიცებული ეკონომიკისა და ბიზნესის ფაკულტეტზე ასისტენტ პროფესორების აკადემიური თანამდებობების დასაკავებლად შესარჩევი საკონკურსო კომისიის სხდომის

ოქმი №4 (შემაჯამებელი, კორექტირებული)

თბილისი, უნივერსიტეტის ქ. N2,
12.00 საათი, თსუ X კორპუსი, ოთახი № 403.

27 თებერვალი, 2024

სხდომას ესწრებოდნენ: ასოცირებული პროფესორი მერაბ ხოხობაია (კომისიის თავმჯდომარე), ასოცირებული პროფესორი ზურაბ აბრამიშვილი (კომისიის თავმჯდომარის მოადგილე), ასისტენტ პროფესორი ნინო ლობჯანიძე (კომისიის მდივანი), ასისტენტ პროფესორი თეიმურაზ გოგსამე (კომისიის წევრი), პროფესორი დალი სეხნიაშვილი (არ ესწრებოდა)

დღის წესრიგი:

1. სსიპ - ივანე ჯავახიშვილის სახელობის თბილისის სახელმწიფო უნივერსიტეტის რექტორის №: 327/01-01, 18/12/2023 ბრძანებით გამოცხადებული ეკონომიკისა და ბიზნესის ფაკულტეტზე ასისტენტ პროფესორების აკადემიური თანამდებობის დასაკავებლად კონკურსში (მაკროეკონომიკის კათედრა - 1 სამტატო ერთეული, ასისტენტ პროფესორი, კატეგორია „ბ“), შეფასების პირველი და მეორე ეტაპის შედეგების განხილვა და ურთიერთშეჯერება. გამარჯვებულის გამოვლენის მიზნით ფარული კენჭისყრის ჩატარება და კონკურსის შედეგების შეჯამება.
2. კონკურსის შედეგების ამსახველი შემაჯამებელი ოქმის უნივერსიტეტის აკადემიური საბჭოსთვის დასამტკიცებლად გადაცემა.

მოისმინეს: კომისიის თავმჯდომარის მერაბ ხოხობაიას ინფორმაცია საკონკურსო კომისიის მიერ კონკურსანტის შეფასების ორივე ეტაპის შედეგების შეჯამებისა და კენჭისყრის შედეგების შესახებ. კომისიის წევრებმა იმსჯელეს და შეაჯამეს კონკურსის ორივე ეტაპი და ფარული კენჭისყრის შედეგები.

სსიპ - ივანე ჯავახიშვილის სახელობის თბილისის სახელმწიფო უნივერსიტეტის რექტორის №: 327/01-01, 18/12/2023 ბრძანებით გამოცხადებული ეკონომიკისა და ბიზნესის ფაკულტეტზე ასისტენტ პროფესორების აკადემიური თანამდებობის დასაკავებლად კონკურსში (მაკროეკონომიკის კათედრა - 1 სამტატო ერთეული, ასისტენტ პროფესორი, კატეგორია „ბ“) განაცხადი შემოტანა 1 კანდიდატმა გიორგი ფირიაშვილმა.

საკონკურსო დოკუმენტაციის მიმღები აპარატისგან კანონმდებლობითა და უნივერსიტეტის შიდა რეგულაციებით დადგენილი წესით წერილობითი დადასტურებით გადმოზარებული (იხ. მიღება-ჩაბარების აქტი) დალუქული საკონკურსო დოკუმენტაციის გახსნის შემდეგ კომისიის წევრებმა დეტალურად შეისწავლეს კანდიდატის მიერ წარმოდგენილი საბუთები.

გიორგი ფირიაშვილმა შეფასების პირველ ეტაპზე I კატეგორიაში ფორმალური კვალიფიკაციის შესაბამისობა ვაკანსიის პროფილთან - წარმოდგენილი დოკუმენტაციის მიხედვით მიიღო შეფასება „კვალიფიკაცია შეესაბამება მოთხოვნებს“; II კატეგორიის მიხედვით, კონკურსანტ გიორგი ფირიაშვილის პედაგოგიური გამოცდილება შეესაბამება ვაკანსიის პროფილს. სასწავლო-მეთოდური საქმიანობა, ასევე შესაბამისობაშია ვაკანსიის პროფილთან. საერთო შეფასება II კატეგორიის მიხედვით მიიღო - „მაღალი“. III კატეგორიის მიხედვით სამეცნიერო-კვლევითი საქმიანობა - ორივე მუხლისთვის: ხელს შეუწყობს კვლევითი პროფილის განვითარებას, საგანმანათლებლო და კვლევითი პროცესების ინტეგრაციას, ხელს შეუწყობს თსუ-ის ეროვნულ და საერთაშორისო პოპულარობის მიხედვით, კომისიამ მიანიჭა შეფასება „საშუალო“. IV კატეგორიის მიხედვით: სხვა სახის აქტივობა (მიღწევები, გამოცდილება, დამსახურება, ჯილდო, სტიპენდია, საგანმანათლებლო პროგრამის ხელმძღვანელობა/თანახელმძღვანელობა, სტუდენტის ხელმძღვანელობა, ახალგაზრდა თაობის დაინტერესება თსუ-ში სწავლით, კომპიუტერთან მუშაობის უნარები, ენების ცოდნა და სხვ.). კომისიამ კონკურსანტს IV კატეგორიის ორივე მუხლში - ხელს შეუწყობს ფაკულტეტის კვლევითი და სასწავლო პოტენციალის გაძლიერებას და თსუ-ის შემდგომ წინსვლას და განვითარებას მიანიჭა შეფასება „საშუალო“.

კონკურსანტმა გიორგი ფირიაშვილმა 2009-2013 წელს დაამთავრა ეკონომიკის პროფილით ბაკალავრის საფეხური საქართველოს უნივერსიტეტში. 2013-2015 წელს სწავლა განაგრძო მაგისტრატურის საფეხურზე თსუ ეკონომიკის საერთაშორისო სკოლაში (ISET). 2015-2017 წელს მოიპოვა მეორე მაგისტრის ხარისხი საქართველოს ტექნიკურ უნივერსიტეტში (გამოყენებითი მათემატიკის დეპარტამენტი). 2017-2022 წელს მოიპოვა დოქტორის ხარისხი ნოტრ დამის უნივერსიტეტში აშშ (University of Notre Dame). სადისერტაციო თემაა - „*The Effects of Government Policies on Market Structure in the Presence of Dynamic and Imperfect Competition*“. დაცული სადისერტაციო თემატიკა სრულად არის შესაბამისობაში საკონკურსო აკადემიურ პოზიციასთან.

საკონკურსო კომისიამ პედაგოგიური საქმიანობის შეფასებისას გაითვალისწინა, რომ კონკურსანტი ჩართულია საკონკურსო პროფილის კურსების განხორციელებაში როგორც ბაკალავრიატის (მიკროეკონომიკის პრინციპები, შესავალი წრფივ რეგრესიებში, თამაშის თეორია), ასევე, მაგისტრატურის საფეხურზე (მაკროეკონომიკა 1; მაკროეკონომიკა 2). უნდა აღინიშნოს, რომ კონკურსანტს აქვს აშშ-ი სწავლების გამოცდილება, კერძოდ, ნოტრ დამის უნივერსიტეტში (University of Notre Dame). კონკურსანტის მიერ წარმოდგენილი სილაბუსები შეესაბამება 2020 წლის 24 თებერვლის აკადემიური საბჭოს №16/2020 დადგენილებით განსაზღვრულ მოთხოვნებს („სსიპ - ივანე ჯავახიშვილის სახელობის თბილისის სახელმწიფო უნივერსიტეტის საგანმანათლებლო პროგრამების დაგეგმვის, შემუშავების, შეფასებისა და განვითარების პროცედურის დამტკიცების შესახებ“). აღსანიშნავია, რომ კონკურსანტი თსუ

ეკონომიკის საერთაშორისო სკოლის (ISET), საბაკალავრო პროგრამის თანახელმძღვანელია და აკადემიური პოზიცია გრძელვადიან პერსპექტივაში ხელს შეუწყობს პროგრამის მდგრადობას და ეკონომიკის საერთაშორისო სკოლის განვითარებას.

კონკურსანტი აქტიურად მუშაობს სამეცნიერო მეთოდური საქმიანობის კუთხით. მას შემუშავებულია აქვს დამხმარე სალექციო მასალები შემდეგ კურსებში: „მაკროეკონომიკა 1“, „მაკროეკონომიკა 2“, „საზაფხულო მათემატიკის კურსი მომავალი დოქტორანტებისათვის ეკონომიკაში“ (Summer Math Camp for Incoming Graduate Students), „თამაშის თეორია“ (Game Theory), „მიკროეკონომიკის პრინციპები“, „შესავალი წრფივ რეგრესიაში“. წარმოდგენილი სასწავლო მეთოდური მასალა სრულად არის შესაბამისი ვაკანსიის პროფილთან და ხელს შეუწყობს სასწავლო კურსებით გათვალისწინებული სწავლის შედეგების ეფექტიანად მიღწევას.

კონკურსანტი გიორგი ფირიაშვილის მიერ საკონკურსო კომისიისათვის შესაფასებლად წარმოდგენილ ნაშრომში მკაფიოდაა ჩამოყალიბებული პრობლემის აქტუალობა, კვლევის მეთოდოლოგია, სამეცნიერო კვლევის მიზანი და სამეცნიერო კვლევის შედეგები. სამეცნიერო ნაშრომი ღირებულია როგორც თეორიული, ასევე, პრაქტიკული თვალსაზრისით. შესაბამისად, შესაფასებლად წარმოდგენილი ნაშრომი ადასტურებს კონკურსანტის მაღალ სამეცნიერო პოტენციალს.

გასაუბრების ეტაპზე შეფასდა კონკურსანტის პროფესიული უნარ-ჩვევები, გადმოცემის უნარი, ლოგიკური აზროვნების უნარი, ქცევისა და მეტყველების მანერა. კომისიამ გადაამოწმა კონკურსანტის მიერ სამოტივაციო წერილში მოცემული ფაქტობრივი ინფორმაცია. გასაუბრებაზე პრეტენდენტმა გიორგი ფირიაშვილმა მკაფიოდ და გასაგებად წარმოადგინა კვლევასთან და სწავლებასთან დაკავშირებით ხედვები. დაასაბუთა სამეცნიერო კვლევითი პრიორიტეტები, კვლევის თემატური მიმართულებები (აუდიო ჩანაწერი თან ერთვის ოქმს). გასაუბრების შედეგად დადასტურდა, რომ კონკურსანტს რეალურად აქვს საგნობრივი ცოდნა და უნარები გაუძღვეს ვაკანსიის შესაბამის სასწავლო კურსებს. კონკურსანტის მიზანდასახულობა და მაღალი მოტივაცია ხელს შეუწყობს უნივერსიტეტის სამეცნიერო-კვლევითი საქმიანობის გაძლიერებას.

თსუ-ში მოქმედი რეგულაციის თანახმად, ფარული კენჭისყრის ჩატარების უზრუნველსაყოფად საკონკურსო კომისიამ მოამზადა ბიულეტენები (თსუ-ის აკადემიური საბჭოს მიერ დამტკიცებული ფორმის მიხედვით, დანართი 5). ბიულეტენში აისახა შესაბამისი აკადემიური თანამდებობის დასაკავებლად გამოცხადებულ კონკურსში მონაწილე პრეტენდენტის სახელი და გვარი. ბიულეტენების სისწორე დადასტურდა კომისიის ყველა წევრის ხელმოწერით, დამატებითი ბიულეტენი არ დამზადებულა. კომისიის წევრების მიერ დაილუქა საარჩევნო ყუთი და ლუქი დამოწმდა საკონკურსო კომისიის წევრების ხელმოწერებით.

კენჭისყრის დასრულების შემდეგ დალუქული საარჩევნო ყუთი გაიხსნა და კომისიის წევრებმა დათვალეს პრეტენდენტის მიერ მიღებული ხმების რაოდენობა.

ფარული კენჭისყრის შედეგები:

1. მაკროეკონომიკის კათედრა

ასისტენტ პროფესორი - 1 საშტატო ერთეული - კატეგორია „ბ“

გიორგი ფირიაშვილი - მიღებული ხმების რაოდენობა 4.

საკონკურსო კომისიის მიერ ერთხმად მიღებული გადაწყვეტილება სამართლიანია, ვინაიდან იგი ემყარება კონკურსანტის პროფესიული უნარ-ჩვევების, მონაცემების, მიღწევების გაცნობა/დაზუსტებას. კონკურსანტის განათლება და სამეცნიერო ხარისხი სრულად შესაბამისობაშია გამოცხადებულ საკონკურსო პოზიციასთან. კონკურსანტ გიორგი ფირიაშვილის სასწავლო-სამეცნიერო საქმიანობა რომელიც უკავშირდება ეკონომიკის მიმართულელებას დაეხმარება ეკონომიკის საერთაშორისო სკოლის ბაკალავრიატის და მაგისტრატურის სასწავლო კურსებს სწავლის შედეგების ეფექტიანად მიღწევაში. კონკურსანტის მიერ შემუშავებული მეთოდური მასალები მნიშვნელოვანი წინაპირობაა სტუდენტების თეორიული და პრაქტიკული უნარების განვითარების კუთხით. კონკურსანტის საზღვარგარეთ სწავლების გამოცდილება როგორც მეთოდოლოგიური, ასევე, შინაარსობრივი თვალსაზრისით ხელს შეუწყობს კონკრეტულ სასწავლო კურსებში (მიკროეკონომიკის პრინციპები, შესავალი წრფივ რეგრესიებში, თამაშის თეორია, მაკროეკონომიკა 1; მაკროეკონომიკა 2) ახალი ცოდნის ტრანსფერს. რაც პოზიტიურად აისახება თსუ ეკონომიკის საერთაშორისო სკოლის პროგრამების მდგრადობაზე და გრძელვადიან დინამიკაში განვითარებაზე. გარდა ამისა, კონკურსანტის მიერ წარმოდგენილი სამეცნიერო ნაშრომი ღირებულია როგორც თეორიული, ასევე, პრაქტიკული მიმართულებით. შესაბამისად დასტურდება კონკურსანტის მაღალი სამეცნიერო პოტენციალი და იგი მნიშვნელოვან ზეგავლენას მოახდენს თსუ სამეცნიერო რეიტინგის ამაღლებაზე.

ერთხმად დაადგინეს: 1.1. საკონკურსო კომისიამ იმსჯელა მის მიერ გაწეული სამუშაოს თსუ-ის აკადემიური საბჭოს 2014 წლის 22 დეკემბრის №118/2014 დადგენილების („სსიპ - ივანე ჯავახიშვილის სახელობის თბილისის სახელმწიფო უნივერსიტეტის აკადემიური პერსონალის სამსახურში მიღებისა და კონკურსის ჩატარების ერთიანი წესის შესახებ“) შესაბამისად დაადგინა, რომ სამუშაოები განხორციელდა მოქმედი რეგულაციის შესაბამისად;

1.2. თსუ-ის აკადემიური საბჭოს 2014 წლის 22 დეკემბრის №118/2014 დადგენილების („სსიპ - ივანე ჯავახიშვილის სახელობის თბილისის სახელმწიფო უნივერსიტეტის აკადემიური პერსონალის სამსახურში მიღებისა და კონკურსის ჩატარების ერთიანი წესის შესახებ“) შესაბამისად (დანართი 1, მე-8 მუხლი, მე-9 პუნქტი) შემაჯამებელი ოქმი გამოქვეყნდეს თსუ-ის ვებ-გვერდზე და განთავსდეს ეკონომიკისა და ბიზნესის ფაკულტეტის საინფორმაციო დაფაზე;


1.3. გადაეცეს კომისიის შემაჯამებელი სხდომის ოქმი უნივერსიტეტის აკადემიურ საბჭოს დასამტკიცებლად;

1.4. თსუ-ის აკადემიური საბჭოს 2014 წლის 22 დეკემბრის №118/2014 დადგენილების („სსიპ- ივანე ჯავახიშვილის სახელობის თბილისის სახელმწიფო უნივერსიტეტის აკადემიური პერსონალის სამსახურში მიღებისა და კონკურსის ჩატარების ერთიანი წესის შესახებ“)

შესაბამისად (დანართი 1, მე-8 მუხლი, მე-9 პუნქტი) შემაჯამებელი ოქმის გამოქვეყნებიდან სამი სამუშაო დღის ვადაში კონკურსანტს უფლება ეძლევა გაასაჩივროს კომისიის შემაჯამებელი ოქმი საკონკურსო-სააპელაციო კომისიაში. პრეტენდენტმა საჩივარი უნდა ჩააბაროს თსუ ეკონომიკისა და ბიზნესის ფაკულტეტის კანცელარიაში. მისამართი: თბილისი, 0186, უნივერსიტეტის ქუჩა #2 (თსუ მე-10 კორპუსი), ოთახი #310.


კომისიის თავმჯდომარე

/ასოცირებული პროფესორი მ. ხოზობაია/




კომისიის თავმჯდომარის მოადგილე

/ასოცირებული პროფესორი ზ. აბრამიშვილი/




კომისიის მდივანი

/ასისტენტ პროფესორი ნ. ლობჯანიძე/



კომისიის წევრი

/ასისტენტ პროფესორი თ. გოგსაძე/



კომისიის წევრი

/პროფესორი დ. სეხნიაშვილი/